## ԱՁԱՏ ԵՂԻԱՁԱՐՅԱՆ

## ՄՈՎՍԵՍ ԽՈՐԵՆԱՑՈՒ ԵՐԿԻ ՄԻ ՔԱՆԻ ԳՐԱԿԱՆ ԱՌԱՆՁՆԱՀԱՏԿՈՒԹՅՈՒՆՆԵՐԻ ՄԱՍԻՆ

Մանուկ Աբեղյանը վկայում է. «(Խորենացու մատյանի մասին) բուն գրական ուսումնասիրություն չկա» <sup>1</sup>։ Աբեղյանի մահվանից անցել է մի ջանի տասնամյակ, բայց շատ բան չի փոխվել։ Խորենացիագետների ջանջերի առյուծի
բաժինը ուղղված է Խորենացու ժամանակին ու ժամանակագրությանը, զուտ
բանասիրական և պատմագիտական խնդիրներին։ Այս միակողմանիությունը
պատմահոր գործի ջննության մեջ անարդար է։ Խորենացու երկը հայ խոսջի,
մանավանդ պատմողական խոսջի հետաջրջրագույն հուշարձաններից է։ Ներկա հոդվածում ես կանդրադառնամ Խորենացու «Պատմության» բուն գրական
մի ջանի խնդիրների, հատկապես նրա խոսջի առանձնահատկություններին։

Սկսեմ մի խնդրով, առանց որի ամբողջական և ճիշտ պատկերացում կազմել Խորենացու խոսջի մասին ճնարավոր չէ։ Արդյո՞ք Խորենացու աշխատությունը պատկանում է դեղարվեստական արձակի մարդին։

Գրականագիտության մեջ երբեմն լռելյայն, երբեմն բարձրաձայն, այս հարցին դրական պատասխան է տրվում<sup>2</sup>։ Իմ կարծիքով, V դարի պատմագրությունը, ինչպես և ամբողջ հայ պատմագրությունը, դեղարվեստական արձակ չեն։ Ներկա հոդվածում ճնարավորություն չկա մանրամասնորեն խոսել մի քանի տեսական խնդիրների մասին` կապված արձակի գեղարվեստականության ճետ։ Դրանց ես անդրադարձել եմ այլ հոդվածում<sup>3</sup>։ Այստեղ համառոտ և սխեմատիկ շարադրեմ հիմնական դրույթները։ Ես ելնում եմ այն ըմբռնումից, որ դեղարվեստական արձակը ծնվում է հեղինակային ճնարանքի հետ։ Քանի

<sup>&</sup>lt;sup>1</sup> Մանուկ Աբեղյան, Հայոց *հին գրականության պատմությու*ն, գի**ւ**ք առաջին, Անթիլիաս – Լիբանան, 2004, էջ 263: Հետագա մեջբեrումնե<del>ւ</del>ր՝ այս գոքից:

<sup>&</sup>lt;sup>2</sup> Մայիս Ավդալբեզյանը իր Հայ դեղարվեստական արձակի սկղբնավորումը աշխատության մեջ Խոբենացու մատյանը չի քննում V դաբի այն պատմագիբների գործերի շարքում, որոնք ինքը դիտարկում է իբրև ճայ գեղարվեստական արձակի սկզբնավորում: Բայց ճետագայում Հայ միջնադարյան դրականության ժանրերը գբքում տպագրված ճոդվածում նա Խոբենացու երկն էլ է քննում իբրև գեղարվեստական արձակ: Երկու դեպքում էլ նրա ճետ դժվար է ճամաձայնել՝ և այն դեպքում, երբ նա Խոբենացուն ճեռացնում է V դարի իր գոչակիցներից (գբքում), և այն դեպքում, երբ նրան էլ, մյուսների պես ճամարում է գեղարվեստական արձակի ներկայացուցիչ:

<sup>&</sup>lt;sup>3</sup> **Азат Егиазарян**, «Художественный вымысел», в сб. *Литература в меняющемся мире* (в печати).

Պատմագիրները համոզված էին, որ գրում են մաքուր ճշմարտությունը (այդ համոզմունքի արտահայտութունները հանդիպում են Ագաթանդեղոսի, Եղիշեի և ուրիշների գրքերում)։ Իհարկե, այդ «ճշմարտությունը» մեջ խառնված էին իրական փաստերը, ավանդությունները, բանահյուսությունը, գրական կանունը։ Բայց պատմագիրները գիտակցաբար ոչինչ չէին ճնարում։ Նրանք ամենաշատը կարող էին ծաղկեցնել իրենց պատմածը զանազան պատկերներով, խոսքի երանդավորումներով, որոնք, պետք է հատուկ շեշտել, շատ բազմազան են V դարի պատմագրության մեջ։ Անդամ Խորենացին, որի «Պատմությունը» ամենից մոտ է գիտականության մասին մեր պատկերացումներին, հաճույքով զարդարում է իր խոսքը տպավորիչ պատկերներով, համեմատություններով, մակդիրներով։

Բայց V դ. գրքերը նաև «մաքուր» պատմագրություն չեն, մաքուր գիտական աշխատություններ չեն։ V դարում հայ մատենագրության մեջ այդպիսի բաժանում չկար ոչ տեսական մակարդակով, ոչ էլ գործնականում։ Պատմագրության մեջ տարբեր հատկանիշներ կազմում են մի ամբողջություն, որը կարելի է անվանել հենց պատմագրական արձակ։

Խորենացու գրթում դիտականության հատկանիշները, V դ. մնացած բոլոր պատմագիրների համեմատությամբ, ամենից ավելի են աչթի ընկնում։ Նրա առաջին հատկանիշը, որ նրան առանձնացնում է իր դրչակիցների դործերի ֆոնին, նրա խոսջի ջննականությունն է։ Դա իսկապես դիտականության մի-տող խոսջ է, սթափ, ամեն տեսակի չափազանցություններից (իր ըմբռնումով) խուսափող։ V դարի պատմիչներից ամենից շատ նա է ձգտում հարազատ մնալ պատմության փաստերին։ Ընթերցողն անընդհատ հանդիպում է նրա դատողություններին այն մասին, որ ուրիշների հաղորդած այսինչ կամ այնինչ փաստը իրեն արժանահավատ չի թվում, կամ, ուրիշ դեպքերում, հավաստիացումներ այն մասին, որ ինջը փնտրել և դտել է իսկական ճշմարտությունը, արժանահավատ փաստերը։ Ահա թե ինչու է նա այդջան շատ դիմում կողմնակի աղբյուրների օգնությանը։ Նրա օգտադործած աղբյուրների ջանակությունը իր ժամանակի, մանավանդ նոր սկսվող հայ պատմադրության համար աննախադալ է։ Գագիկ Սարդսյանը իր թարդմանության առաջաբանում տալիս է այդ աղբյուրների տպավորիչ պատկերը (առհասարակ այդ հոդվածը Խորենա-

ցու պատմագիտական սկզբունքների լավագույն վերլուծություններից է)<sup>4</sup>: Մեզ **Դետա**ջրքրում է, թե ինչպես են այդ սկզբունքները արտացոլվել նրա խոսթում դառնալով ոճի **հատկանի**շ։

Կարելի է ձևակերպել այսպես` Խորենացին հենվում է ոչ Թե հավատի, այլ տրամաբանության վրա, և սրանով նա շատ է տարբերվում V դարի մեր մյուս պատմիչներից։ Սա, հարկավ, չի նշանակում, որ Խորենացին հավատացյալ բրիստոնյա չէր։ Ինջն էլ է հենվում Աստվածաշնչի վրա, մեծ հարդանքով է խոսում Ս. Գրքի մասին։ Բայց ես խոսում եմ նրա մտածելու եղանակի մասին, որում ամենակարևորը քննական մոտեցումն էր, տրամաբանությունը։

Նրա մտածողության այս կողմը լուսաբանելու համար ամենաշահեկան օրինակները, պատմական փաստերի ջննությունից հետո, տալիս է նրա վերաբերմունջը Ս. Գրջի և կրոնական սյուժեների նկատմամբ։

Խորենացու ջննող հայացքը տարածվում է մինչև կրոնական խնդիրները, առաջին հերքին՝ մինչև Աստվածաշուչ։ Շատ հետաքրքրական է և բնորոշ նրա վերաբերմունթը թրիստոնեության հանդեպ։ Երբ դործ ունենք Ադաքանդեղոսի և Եղիշեի հետ, այս դեպքում խնդիրն ավելի պարզ է. Ագաթանգեղոսը ոչ միայն հավատացյալ է, այլև աշխարհը տեսնում է մեկ լույսով՝ քրիստոնեական բարոլականության ու դոդմատի լուլսով։ Նրա աշխարհալացքը ձևավորված է ալդ կադապարով, մնագած տարրերը պատահական ու անկարևոր են։ Եղիշեն հավատր կապում է ազգության հետ. բայց պատահական չէ, որ Ղևոնդր նրա մատյանում ավելի կարևոր դեմք է, քան Վարդանը (Թեև մատյանը մեղ է հասել իբրև «Պատմութիւն Վարդանալ»)։ Եղիշեի աշխարհալագրի համար էլ կրոնականությունը շատ կարևոր է։ Այնինչ Խորենացու դեպքում հավատի ազդեցությունը նրա մտածողության վրա նկատելիորեն ավելի քիչ է զգացվում։ **Չ**գայ*ֆակղվենը նրան ըննադատական հայացը վերագրելով ըրիստոնեության հան*դեպ։ Նա հավատացյալ է և քրիստոնեության ջատագով։ Բայց նա Հայոց պատմության և դրա հետ կապված դեպքերի մասին խոսելիս հենվում է ոչ այնքան Սուրբ գրջի, որջան իր հետագոտությունների արդյունջների վրա։ Հետաջրջրական է, որ մեր քրիստոնյա պատմագիրը քննական հայացք է նետում և Ս. Գրթին. «Եւ ալս լալանի է ամենեցուն, զի դժուարհաւաք և տաժանելի է որպէս գիւտ ժամանակացն ի սկզբանէ մինչև առ մեզ... Մանաւանդ գի աստուածայնոյն Գրոյ գիւրսն ի բաց հատեալ յինքն սեպհական ազգ` ելիք գայլոցն իբր գարհամարհելեացն և իւրոց անարժան կարգելոց բանից» (Գիրք առաջին, Ե, էջ 17)»։ Ուշադիր լինենը իմ ընդգծած տողերին, հստակ լսվում է Խորենացու անբավարարվածությունը, որ Սուրբ գիրքը ուշադրություն է դարձրել միայն իր

<sup>&</sup>lt;sup>4</sup> St'u **Мовсес Хоренаци**, *История Армении*, перевод с древнеармянского языка, Введение и примечания *Гагика Саркисяна*, Ер., Айастан, 1990, сс.X-XVII:

<sup>&</sup>lt;sup>5</sup> Պատմության էջե**ւը նշվում են ըստ 1991 թ. ե**rևանյան հ**rատա**rակության, ոrը կrկնում է Տփխիսի (Թբիլիսիի) 1913 թ. քննական հrատաrակությունը:

ազդին։ Իսկ մնացածը ինքը` Խորենացին, դտել է տաժանելի աշխատանքով։
Իսկ նախորդ գլխում Խորենացին տրամաբանության դիրքերից քննում է Ս.
Գրքում ասվածը Ենովսի և Նոյի մասին և հանդում որոշակի եզրակացությունների։ Նույն Ե գլխում Խորենացին հայտնում է, որ Աստվածաշնչի հայերեն թարդմանության մեջ չի դտել նահապետների մի քանի անուններ և դրանք լրացրել է «մի ուշիմ և ընթերցասեր ասորացու» ասածից։ Այսինքն, այս դեպքում Աստվածաշունչը նրա համար աղբյուր է ուրիշ աղբյուրների շարքում։

Այլ դեպքերում Խորենացին հանգիստ պատմում է հեթանոսական աստվածների հանդեպ հալոց և այլ Թագավորների պաշտամունքի մասին, որևէ անհարդալից արտահայտություն չանելով այդ աստվածների մասին (օրինակ, պատմական փաստ։ Ի՞ւարկե, երբ ՞ւասնում է Աբգար Թագավորին, նրա նամակագրությանը, բաժանում է Աբգարի ջերմեռանդությունը։ Երբ պատմում է քրիստոնեության ընդունման, իր ժամանակի իրադարձությունների մասին (երկրորդ գրջում), հանդես է բերում և կրոնական ջերմեռանդութիլուն։ Բալց չենը կարող չհիշել նրա ակնածանքը հունական առասպելների հանդեպ, առասպելներ, որոնը հագեցած էին հեթանոսությամբ։ Հունաստանը «մայր կամ դայակ իմաստության» եղել է հենց հեթանոսության շրջանում։ Մի այլ դեպ*ջում Պատմա*հալրը հանդուրժողաբար է խոսում գրադաշտականութ<u>լ</u>ան մասին (երբ պատմում է պարսից Արտաշիր Թագավորի՝ Հայաստանում ծավայած գործունեության մասին (Գիրք երկրորդ, Հէ)։ Այսինքն, Խորենացու պատմության մեջ քրիստոնեու[խյունը անանցանելի սահմաններ չի գծում նրա հայացքին։ Իր քրիստոնյա լինելը էականորեն չի ազդում նրա պատմագիտական հիմնադրույնի (կոնցեպցիայի) վրա։

Չի ազգում և խոսքի վրա։ Մեր հիշած բոլոր դեպքերում Խորենացու խոսքը հանդիստ է, հավասարակշռված, մեջբերումներ և հղումներ Աստվածաշնչին համարյա չկան, ի տարբերություն Ադաթանդեղոսի, Բուզանդի, Եղիշեի, Փարպեցու։ Խոսում են ոչ թե կրոնական պաթոսն ու ջերմեռանդությունը, այլ քննությունն ու տրամաբանությունը։

Շատ կարևոր է, թե ինչպես է նա ներկայացնում իր հերոսների նահատակությունը։ Մինչ V դարի (և հետագա դարերի) պատմիչները մանրամասն և ջերմեռանդորեն նկարագրում են վկաների մարտիրոսությունը, Խորենացին ընդամենը համառոտ տողերով ներկայացնում է փաստը։ Նա խուսափում է սրբերի տառապանջն ու մահը և, ուրեմն, նրանց ցնծությունը զոհաբերության պահին նկարագրելուց։ Սրան արժե ուշադրություն դարձնել, մանավանդ, որ նա բազմաթիվ անդամներ հիշում է Ադաթանդեղոսին, նկարագրում է նույն դեպջերը, ինչ Ադաթանդեղոսը, բայց խուսափելով տանջանջների ու մահվան նկարագրությունից։ Ադաթանդեղոսը բազում էջեր է նվիրում Գրիդոր Լուսավորչի տանջանջներին ու այդ պահին նրա արտասանած խոսջերին։ Խորենա-

ցին միայն մի անդամ է անցողակի հիշում Լուսավորչի ֆիզիկական չարչարանքները։ Մյուս սրբերի մասին բավարարվում է միայն նրանց սպանվելն հիշելով և Ադաթանդեղոսին հղելով։ Օրինակ, երկրորդ գրքում մի գլուխ կա «Յաղագս վկայութեան առաքելոցն մերոց» վերնագրով։ Այստեղ Խորենացին կարձ և առանց զեղումների պատմում է Ադդեի մահվան մասին. «Եւ յղեաց առ Ադդէ, զի արասցե նմա խոյր բեհեզեայ անդուածով ոսկւոյ, որպէս առաջադոյն առնէր հօրն նորա։ Եւ պատասխանի ընկալաւ, թէ «ոչ արասցեն ձեռք իմ խոյր գագաթան անարժանի, որ ոչ երկրպագէ Քրիստոսի Աստուծոյ կենդանւոյ»։ Եւ իսկոյն հրամաեաց միում ի զինակրացն` կտրել զոտս նորա սրով։ Որոյ երթեալ, և տեսեալ զնա, զի նստէր յաթոռ վարդապետութեանն` էած սուսերաւ և ի բաց կտրեաց զսրունս նոցա, և նոյն ժամայն աւանդեաց զհոդին» (Գիրք երկրորդ, ԼԴ, էջ 158)։

Խորենացու ոճն ու մտածողությունը ուսումնասիրելիս չի կարող հարց չառաջանալ` որտեղի՞ց են գալիս դրանց առանձնահատկությունները և, առաջին հերթին, քննականությունը։ Ոչինչ դատարկ տեղում չի առաջանում։ Իսկ V դ. առաջ հայ դրականություն չկար, և Խորենացին հայ հեղինակների վրա չէր կարող հենվել։ Կար հայոց նախաքրիստոնեական հարուստ բանահյուսությունը։ Որ Խորենացին դիտեր այդ բանահյուսությունը, երևում է իր իսկ դրքից, որի առաջին դլուխները հենվում են բանահյուսության վրա (բայց կարելի է արձանադրել, որ Խորենացու և բանահյուսության կապը լավ չի ուսումնասիրված):

Ինչ վերաբերում է նրա քննական-տրամաբանական ոՃին, այստեղ նա կարող էր Դենվել միայն անտիկ պատմագրության վրա։

Վաղուց արդեն ընդհանուր տեղի է դարձել հունական մշակուլնի հանդեպ նրա վերաբերմունքը։ Նրա հիացմունքն ու ակնածանքը հին հույների ստեղծածի նկատմամբ ընդգծվում է նրա գրջի բոլոր մասերում։ Նրա հայտնի նախադասությունը` «Զբոլոր իսկ դՅոյնս ոչ դանդաղիմ մայր կամ դայակ ասել իմաստից» (Գիրը առաջին, Բ, էջ 9) նրա վերաբերմունըի ամենաճշգրիտ արտահայտություններից մեկն է։ Բուն տեքստում բազմաթիվ վկայություններ կան այն մասին, որ Խորենացին առնվագն լավ ծանոԹ է հունական դպրուԹյանը։ Նա հիշում է ոչ միայն Հոմերոսին, այլև հույն պատմիչներին` սկսած մ.  $oldsymbol{p}$ . ա. Vդարից` Հերոդոտոս և ուրիշներ։ Պատահական չէ Խորենացու վերապահու-Թյունը, որ Թեև իր տեղեկուԹյունները սկզբնապես եղել են ասորական և այլ աղբյուրներում, ինքը դերադասել է դրանք բերել հունական աղբյուրներից։ Ընդհանրապես, հունական հետթը Խորենացու գրթում արժանի է առանձին ըննության։ Հայ պատմիչներից ուրիշ ոչ ոք այսքան կապված չի եղել հունական մշակույթի հետ (չմոռանանք նաև նրա անվերապահ-մերժողական վերաբերմունքը պարսկական առասպելների և նույնքան անվերապահ հիացմունքը հունականների հանդեպ)։

Պատմահոր այս ակնածանքը հունական դպրության հանդեպ իր խոր հետքն է թողել նաև նրա սեփական մտածողության մեջ։ Հին հույների ռացիունալիզմը, հավատը բանականության հանդեպ դարձել է Խորենացու մտածողության դլիսավոր կողմերից մեկը։ Այն, ինչ քիչ առաջ հիշվեց իբրև Խորենացու մտածողության առանձնահատկություններից մեկը (ոչ թե հավատ, այլ տրամաբանություն, սթափ քննություն), դալիս է, անկասկած, հունական մտածողությունից։ Հույներն հավատում էին իրենց աստվածներին, բայց դա միանդատայն տարբեր էր իրենց աստծու հանդեպ քրիստոնյաների վերաբերմունքից, որն արտացոլվեց նաև պատմադրության մեջ։ Տրամաբանական կամ, որ այս դեպքում նույնն է, փիլիսոփայական մտածողությունը հին հույների հոդևոր կյանքի ամենաէական դծերից մեկն էր։ Այնինչ քրիստոնեության աղդեցության ոլորտում դտնվող մտածողների համար դլիսավորը անկասկածելի հավատն էր միակ Աստծու և նրա նախանշած ուղու հանդեպ։

Այնինչ մենը տեսանը, որ Խորենացու գրքում հավատր իբրև մտածողու*թյան սկզբունը շատ կարևոր տեղ չի գրավում։ Այն, ինչ Հերոդոտոսը, Թուկի*դիդեսը, Քսենոփոնը արել էին մ. թ. ա. V դարում, անում էր հայկական իրականության մեջ Խորենացին նրանցից հագար տարի հետո։ Այս կետում արժե ուշադրություն դարձնել Խորենացու Պատմության և Թուկիդիդեսի դրքի միջև առկա մի ընդհանրության։ V դարի հալ պատմագիրներից Խորենացին միակն է, որ տեսական դատողություններ է անում պատմադրության մասին։ Նրա այս դատողությունները հիշեցնում են Թուկիդիդեսի պատմության սկիզբը։ Թուկիդիդեսը այստեղ խոսում է Հունաստանի պատմության հին շրջանի, Հունաստանի աշխարհագրության, գանագան անգջերի մասին ստացած տեղեկությունների մասին։ Թուկիդիդեսը հատուկ ուշադրություն է դարձնում իր` պատմադրի գրածի և բանաստեղծների և արձակագիրների գրածների տարբերությանը, ակնհալտ քամահրանքով վերաբերվում դրանց։ Նա հավաստիացնում է, որ ինքը կամ տեսել է, կամ տարբեր աղբլուրներից ստուգել է փաստերը։ Խորենացու գրջում, իմարկե, այսպիսի մակադրություն չէր կարող լինել։ V և նախորդ դարերի Հալաստանում չկալին բանաստեղծներ և արձակագիրներ, որոնց նա հակադրվեր։ Բալց էականը ջննականության միտումն էր, և այս տեսակետից Թուկիդիդեսի դիրքը շատ հոդեհարագատ է նրան։ Նա էլ խիստ քննադատաբար է մոտենում ի՛ր աղբյուրներին, առաջին հերթին՝ բանահյուսությանը։

Այս զուգահեռը շատ թերի կլինի և թյուրիմացությունների առիթ կարող է տալ, եթե չտեսնենք Խորենացու մտածողության զուտ ազգային և անհատա-կան գծերը, որոնք նրան տարբերում էին Հին Հունաստանի պատմագիրներից։ Սկսենք նրանից, ինչ Խորենացու մեջ ընդգծում էր նրա հայկականությունը։ Այստեղ մենք բախվելու ենք նաև պատմական պայմանների, պատմության դարգացման տարբեր փուլերի հետ։

Մեր հիշած հույն պատմագիրները գործում էին հունական քաղաք-պետությունների մրցակցության մթնոլորտում։ Նրանց բոլորի մեջ կա այն գիտակցությունը, որ նրանք հելլեններ են՝ հույներ։ Բայց դա, դարմանալիորեն (մեզ` հայերիս համար) կապ չուներ ազգային հայրենասիրության հետ։ Այս ազգայինին պետը է շատ ուշադիր լինել։ Նրանց հերոսները` Պերիկլեսը և մյուսները իրենց քաղաք-պետությունների հայրենասերներն են։ Պերիկլեսը ամեն ինչ անում է Աթենջի և աթենացիների հաղթանակի համար, և սպարտացիները կամ լակեդեմոնցիները, որոնք նույն հույներն են, ճիշտ այնպիսի Թշնամիներ են կամ հակառակորդներ, ինչ պարսիկները և մյուս բարբարոսները։ Հաղթում են մեկը մյուսին, ավերում միմյանց հողերը, սպանում դերիներին կամ ստրկու-Թլան վաճառում։ Ա՜ա ալստեղ Խորենացին սկզբունթորեն տարբեր է նրանցից։ Հունական դասական պատմագրությունից հետո անցած հազար տարում փոխվել են աշխարհընկալումները։ Փոխվել է հայրենասիրության բնույթը։ Եվ Հալաստանի պատմությունն է շատ տարբեր հույների պատմությունից։ Խորենազին ոչ Թե թաղաթի, որևէ վալրի, այլ մի երկրի և ժողովրդի ներկայացուցիչ է։ Ահա այստեղ նրա խոսքի քննականությունը էականորեն լրացվում է զգացմունքայնությամբ։ Խորենացին շատ զգացմունքային է, երբ խոսում է հայոց պետության, հալ հերոսների մասին։ Ահա Խորենացու զգացմունջալնության ամենատպավորիչ (և ամենահուցիչ) արտահալտություններից մեկը. «Արգ՝ այժմ անցից ի Թիւ մերոց արանց, մանաւանդ Թե Թագաւորաց, մինչև ցտէրու-որպես բնիկը և իմոլ արեան առութ և հաւաստի հարազատը։ Եւ սիրելի էր ինձ՝ լալնժամ գալ Փրկչին և զիս գնել, և առ նորօր լաշխարհ զմուտն իմ լինել, և նոցա տէրուԹեամբն խրախձանալ, և յարդեացս ապրել վտանգիցս» (Գիրջ առաջին, ԻԲ, 66)։ Սա բոլորովին այլ վերաբերմունը է սեփական ժողովրդի և նրա հայրենիջի հանդեպ։ Արյան մասին հիշողությունը այստեղ հուշում է Խորենացու հայրենասիրության բնույթը` այս պատմիչը իրեն գգում է իբրև որոշակի ժողովրդի (և ոչ քաղաք-պետության, մարզի և այլն) ներկայացուցիչ։ Այսպիսի հատվածներ` ուժեղ կամ Թույլ զգացմունքայնությամբ, սփռված են Խորենացու ողջ պատմության մեջ։

Այստեղից էլ` Խորենացու մատյանի վերնադիրը արտահայտում է նրա աշխատության բուն էությունը։ Համեմատության համար կարելի է հիշել, որ հին հույների (և հռոմեացիների) դրջերը վերնադրված են առանց երկրի կամ ժողովրդի նշման։ Օրինակ, Հերոդոտոսի պատմությունը կոչվում է «Պատ-մություն ինն դրջից», Թուկիդիդեսինը` «Պելոպոննեսյան պատերազմի պատ-մություն», Քսենոփոնինը` «Անաբասիս» և այլն։ Նրանց հռովմեացի հետևորդի` Տակիտոսի դրջերը` «Աննալներ», «Պատմություն» և այլն։ Հնարավոր է, որ Խորենացու (և V դարի մյուս հայ պատմիչների) դրջերի վերնադրերը փոխվել կամ իսմբադրվել են։ Բայց դրանց բովանդակությունը, մանավանդ Խորենացու

Պատմությանը, իսկապես **հալոց** պատմություններ են, գրված ոչ անկողմնակալ պատմիչի, այլ իր հայրենիքի ճակատագրով խորապես ապրող հայ մարդու ձեռքով։ Առհասարակ, հայրենիքի գաղափարը (հայկական ըմբռնումով) էական չէ անտիկ պատմագրության ճամար, ճատկանիշ, որը որևէ չափով չի պակասեցնում դրա արժեջը։ Խոսջը միայն պատմագրության ազգային առանձնահատկությունների մասին է։ Հերոդոտոսը իրեն կարող է Թույլ տալ երկար և հանդամանորեն պատմել գանազան հերոսների ու գործիչների հետ կապված տարբեր դրվագներ, որոնք ինքնին շատ ճետաքրքրական են, բայց ուղղակիորեն կապված չեն հույների պատմությանը, որովհետև նա իսկապես հույների պատմությունը չի գրում, այլ պատմությունը այն բոլոր երկրների ու ժողովուրդների, որոնց ինքը այս կամ այն կերպ ծանոԹ է (այսպես և նրա պատմու-*Արմեն արարբեր առիքներով հիշատակվում է և Արմենիան` Հայաստանը)։* Իսկ Խորենացին կենտրոնացած է հալոց պատմության ու Հակատագրի վրա, սկզբում հեռավոր էքսկուրսներ է անում հայոց մեծերի ծննդաբանությունը պարգելու համար, և հատուկ ուրախություն է ապրում, երբ հասնում է զուտ հայկական պատմության հանգրվանին (ինչպես վերը բերված հատվածում)։

Հայ Դերոսների մասին խոսելիս Խորենացին անԹաջույց Դիացող է, մանավանդ երբ Դիշում է քաջ նախնիներին։ Հիշենք, Թե ինչպես է ներկայացնում Հայկին, նրա կռիվը Բելի դեմ, Դետո՝ Տրդատին և մյուսներին։

Եվ այսպես, Խորենացու անկեղծ, խորը հայրենասիրությունը կասկած չի հարուցում։ Կարելի է պնդել, որ V դարի ուրիշ ոչ մի հեղինակի գրքում հայրենասիրությունը այդքան խորությամբ գիտակցված չէ, ինչքան Խորենացու պատմության մեջ։ Բալց այդ խորությունը նաև նշանակում է, որ նրա հայրենասիրությունը հայրենիջի պարզ գովերգություն չէ։ Դա նաև տրամությունն ու դառնությունն է իր ժողովրդի ոչ միայն ճակատագրի, այլև Թերությունների և արատների համար։ Հիշեմ Խորենացու գրջի հայտնի փաստերը և մի փաստ, որին գրենե ուշադրունվուն չի դարձվել։ Նախ, շատ հիշատակված փաստերը։ Խորենացին, գնահատելու համար Սահակ Բագրատունու հանձնարարության արժեքը, նշում է, որ մեր ճները հոգ չեն տարել հայոց պատմությունը շարադրելու մասին, մինչդեռ «Թեև փոքր ածու ենք...» և այն։ Այստեղ արդեն խոր դժգոհություն կա նախնիներից։ Խորենացու պատմությունն ավարտվում է հայոց Թագավորության անկմամբ և Մաշտոցի ու Սահակի մահով։ Այս առթիվ Խորենացին գրում է իր հռչակավոր Ողբը, որի մեջ հիշում է իր հայրենակիցների մեծամեծ ԹերուԹյունները և արատները։ Բայց նաև երկրորդ գիրջն է ավարտվում մի գլխով, որ իր բովանդակությամբ շատ է մոտենում Ողբին։ Այս գլխի մասին է, որ գրենե չի խոսվում։ Ի՞նչ է ասում Խորենացին այդ գլխում։ Նախ` վերնագիրը. «Յաղագս վախճանի Տրդատալ Թագավորի, ընդ որում եւ ողբերդական մեղադրութիւն»։ Ինչու՞ «ողբերդական մեղադրութիւն»։ Հիշելով Տրդատի լավ դործերը, որ «յետ հաւատոցն որ ի Քրիստոս», դրանից անմիջապես հետո գրում է. «Աստանօր ամաչեմ ասել զճշմարտունիւնն, մանավանդ ներանօրէնունիւն և զամբարշտունիւն ազգիս մերոլ, և զմեծի ողբոց և արտասուաց արժանի զսոցա գործս» (Գիրք երկրորդ, ՂԲ, էջ 246)։ Զայրույնը միանդամայն կոնկրետ առինով է՝ Տրդատ նագավորին նունավորելը (այս առինով Խորենացին հիշում է Սոկրատին նունավորելու, ինչպես նաև խաչված Քրիստոսին լեղախառն ըմպելիք տալու պատմունյունները)։ Բայց դա առին է տալիս խոսելու ամբողջ ժողովրդի ներունյունների մասին, նույն ոճով ու պանոսով, ինչպես «Ողբում». «Արք Արամեանք, մինչև յե՞րբ էք ծանրասիրտք, ընդէ՞ր սիրեք զնանրունիւն և դանաստվածունիւն» (նույնը, էջ 247)։

Այսպիսով, Խորենացու «Պատմության» մեջ հստակ երևում է մի գիծ, որը կարելի է անվանել խորապես քննադատական հայացք իր իսկ ժողովրդի հանդեպ, որի մասին նա այլ առիթներով խոսում է անկեղծ հիացմունքով և սիրով։ Ուրեմն, այս գլուխը, «Ողբի» և մյուս հատվածների կողքին, մեղ հիմք է տալիս ասելու, որ հայրենասիրության այս որակը` հպարտությունը իր ժողո-վրդի լավ գործերի և պատմության համար և ցավն ու զայրույթը նրա թերու-թյունների համար, բնորոշ է Խորենացուն։

Փավստոսի և Եղիշեի մատյաններում հայրենասիրության բնույթն այլ է։ Փավստոսն առհասարակ հայրենիքի մասին չի խոսում։ Պարզապես իբրև հայ մարդ հպարտությամբ նշում է հայ թագավորների ու զորավարների հաղթանակները և առանց տատանվելու քննադատում նրանց, այսինքն` անհատների թերությունները։ Նրա միտքը չի ձգտում ընդհանրացումների, դրա կարիքն էլ չունի։ Նրա ուժը հետաքրքրական, հյութեղ, կենսական դրվագների մեջ է։

Եղիշեն գովերգում է հայոց պայքարը ընդդեմ պարսիկների հոգևոր բռնության. նրա չափանիշը մեկն է՝ ով հավատարիմ է Ղևոնդին, Վարդանին, հայոց եկեղեցուն՝ հերոս է ու սուրբ, ով հակառակ է դրանց կամ ձգտում է լեզու գտնել պարսիկների հետ՝ դավաճան է, ինչպես Վասակը։ Նրա միտքը վերլուծական ուղղվածություն չունի, նրանը կրակոտ ոճն է ու հայրենասիրական պախոսը։ Նա միակողմանի է, ինչպես պահանջում է իր նպատակը՝ դաստիարակել սեր ու հավատարմություն հայրենիքի հանդեպ և արդահատանք դավաճանության հանդեպ։

Խորենացին այլ է, նա քննող է ու վերլուծող, և պաթոսը, թեև խորթ չէ նրան, երբ խոսում է, ասենք, Հայկի, Տրդատի և այլ հերոսների մասին, նրա բնորոշ գիծը չէ։ Նրա միտքը ձգտում է ընդհանրացումների, նա ընդունակ է սերը և հիացմունքը համատեղել խիստ քննադատության հետ։ Այսպիսի հայացք տրված է միայն մեծ և ուժեղ մարդկանց, որոնք ընդունակ են խորապես սիրելու։ Մերժումը դալու է ահա այդպիսի հայրենասիրությունից։

Այսպիսի ուժգին ցավ հայրենիքի ճակատագրի համար կարող են ունենալ մեծ անհատները, որոնք հստակ տեսնում են նաև իրենց ժողովրդի ԹերուԹյունները։ Նոր ժամանակներում այդպես էին սիրում հայրենիքը Հովհաննես Թումանյանը և Եղիշե Չարենցը։

Բայց կա ավելի էականը։ Խորենացին առաջին հայ գրողն է ու մտածողը, որն իրեն զգում է ոչ Թե պարզապես հայ, այլ հայ ժողովրդի, ազգային ամ-բողջության մասն ու ներկայացուցիչը, որը խորհում է ոչ Թե Թագավորների ու զորավարների ճակատագրի ու ջաջագործությունների, ոչ Թե կրոնների հեր-Թափոխության, այլ իր ժողովրդի ու հայրենիքի մասին, և խոսելիս ու պատ-մելիս միշտ ելնում է ահա այդ ամբողջության գոյությունից, իր հերոսների գոր-ծերին նայում է հայ ժողովրդի տեսակետից։

Ահա այս տեսակետից Խորենացին (ինչպես և V դ. մյուս պատմիչները) զանազանվում է ոչ միայն հին հույն պատմիչներից, այլև ժամանակով իրեն ավելի մոտ պատմիչներից։ Եվսեբիոս Կեսարացին դրել է քրիստոնեական եկեղեցու պատմությունը բավական մանրամասն, և այդ պատմության մեջ հերոսների ազդային պատկանելությունը որևէ նշանակություն չունի։ VI դ. պատմիչ
Պրոկոպիոս Կեսարացին դրում է Հուստինիանոսի պատմությունը, բայց նա
այնքան է տարված կայսեր ու նրա կնոջ արատների մերկացմամբ, որ հայրենիքի դաղափարը նրան որևէ չափով չի զբաղեցնում։ Իսկ Խորենացու համար,
այսօրվա տերմինով, հենց էթնիկական ազդության դաղափարը չափազանց
կարևոր է:

Եվ ևս մի կարևոր խնդիր՝ Խորենացու՝ իբրև պատմողի կամ խոսողի անմատականության խնդիրը։ Առմասարակ միջնադարյան դրականության մեջ անհատականության խնդիրը բավական բարդ է։ Ուշ միջնադարում այն ընդհանրապես անցնում է երկրորդ պլան, տեքստր անանուն է։ Բալց հինդերորդ դարի հայ պատմագրությունը այս տեսակետից էլ շատ հետաքրքրական պատկեր է ներկայացնում։ Գոնե Խորենացու դեպքում մենք գործ ունենք պատմողի րնդգծված անհատականության հետ։ Մեր այս պատմիչը ոչ միայն իրեն դգում է իբրև անհատականություն, այլև «իրավունջներ է բանեցնում»։ Եվ դա տեսնվում է նրա մատլանի հենց առաջին էջից, որտեղ նա դիմում է իր պատվիրատու Սահակ Բագրատունուն։ Այն, որ նա շատ գոհ է իշխանից, հասկանայի է։ Բալց այդ գոհությունը հայտնելու եղանակը հուշում է գրողի տարիջի և իմաստության մասին։ Մենը հասկանում ենք, որ սա սովորական շողոքորթություն չէ իշխանից ինչ-որ շնորհներ ստանալու համար, նա խոսում է անկեղծ և սրտանց. «Առ որով տեսանեմ և գալս, դի եթե որը լառաջ քան զմեզ և կամ առ մեօք եղեն հարուստը և իշխանը աշխարհիս Հալոց, ոչ ընդ ձեռամբ անկելոց իւրեանց արդեօք գտելոց իմաստնոց գալսպիսեացս հրամալեցին կարդել գլիշատակս բանից, և ոչ արտաքուստ ուստեք ալսոցիկ ի ներքս ածել խորհեցան օժանդակութիւնս իմաստից, և զջեզ ալժմ ալսպիսի եղեալ ծանեաք, - ապա ուրեմն լալա է, նե ամենեցուն քան գքեզ նախագունիցն ճանաչիս վեճագոլն, և

բարձրագունիցն արժանաւոր գովութեանց, և լալսպիսի պատկանաւոր դնիլ յարձանագրութիւնս բանից» (Գիրք առաջին, Ա, էջ 6)։ Սա իսկապես ավագի, իրեն նահապետ զգացող մարդու խոսջ է կրտսերին, դաս՝ բառիս լավագույն իմաստով։ Խորենացին Սահակին համեմատում է հալ իշխանների հետ, որոնք ապրել են անցյալում և ապրում են իրենց կողջին։ Եվ նրանցից ոչ մեկը հրաման չի արձակել գիտուններին պատմություն գրել։ Մենք գիտենք, որ այս մոտիվը` ըննադատական հայացքը նախնիների «անիմաստասեր բարքի» նկատմամբ հետո (1, Գ) ավելի ուժգին է հնչում Խորենացու խոսջերում, ալսինըն` Սահակ Բագրատունու և մյուսների հակադրության մոտիվը պարդ հա*հոյախոսություն չէ պատվիրատուին, այլ նրա արածի ճշգրիտ գնահատու*թյուն։ Այս գնահատականի արժերը ավելի ևս մեծանում է Խորենագու հայտնի խոսթերի ֆոնին, խոսջեր, որոնցով նա հանդիմանում է Սահակին պարսկական առասպելների հանդեպ անհարկի հետաքրքրության համար։ «Այլ տացուք գայսոսիկ` մանկական քոյոց տիոց և անհասութեան խակութեանդ լեալ տարփանը» (Գիրք առաջին, 3աւելուած Բ, էջ 90)։ Միայն տարիքով դգալիորեն ավագր կարող էր այսպես խոսել իշխանի հետ՝ հիշելով նրա «մանկական» (երիտասարդ) տարիքը և «տհասության խակությունը»։ Այս խոսքերը կարևոր են և Խորենացու տարիթը գիրջը գրելու պահին որոշելու համար։ Բալց սրանջ նաև «կերպարաստեղծ» արժեր ունեն։ Խորենացու խոսքերի շնոր՜իվ մենք բավական լավ պատկերացում ենք կազմում իր իսկ՝ հեղինակի ինքնատիպ և վառ անհատականության մասին։

Այս նույն տեսանկյունից հետաքրքրական են Խորենացու դիմումները Սահակին գրքի տարբեր էջերում։ Այդ բոլոր դիմումները շեշտում են Խորենացու անհատականությունը։ Նա ոչ մի ցանկություն չունի թաքնվել դեպքերի, իրադարձությունների ետևում, ընթերցողը միշտ զգում է ավագի, նահապետի ներկայությունը նրա Պատմության մեջ։ Երբեմն այնպիսի տպավորություն է, որ ավագը կրտսերին բանավոր պատմություն է պատմում, ինչպես եղել է ժողովրդական կենցաղում դարերով, և ըստ երևույթին, այդպես եղել է և հինդերորդ դարում։ Օրինակ. «Սկիզբն արասցուք պատմել քեզ ի հինդերորդ դրոցն Ափրիկանոսի ժամանակադրի...», կամ. «Եւ վկայ քեզ ի մօտոյ երաշխաւորեսցէ Եկլէսիաստէ գիրք Եւսեբի Կեսարացւոյ...» (Գիրք երկրորդ, Ժ, էջ 120)։ Այսինքն, այստեղ մենք ունենք Խորենացու պատումի առանձնահատկություններից մեկը՝ դիտական-քննական վերաբերմունքը և ոճը ներդաշնակորեն ղուդակցվում են կենդանի զրույցի՝ ժողովրդական խոսքից եկած դծերի հետ՝ ընդդծելով պատմողի անհատականությունը։

Մանուկ Աբեղյանը, խոսելով Խորենացու և ՍաԴակ Բագրատունու հարաբերությունների մասին, շատ դիպուկ նկատողություն է արել Խորենացու անհատականության մասին. «Մեր այս պատմիչը այնպիսի գրողներից է, որ ամեն մի հարմար րոպեի հայտնում է իր կարծիջները։ Ուստի և մենջ նրա Հայոց Պատմությունից լավ ճանաչում ենք նրա բնավորության շատ կողմերը, և մեր ոչ մի պատմագրի հայացքի, համոզումների ու գրական ճաշակի մասին այնքան ստույգ ծանոթություն չունենք, որքան Մ. Խորենացու»<sup>6</sup>:

Ես չեմ խոսում Խորենացու ժամանակի մասին։ Դա իմ թեման չէ, մանավանդ, այդ խնդրին նվիրված են բազում դրքեր ու հոդվածներ XVIII դարից
մինչև այսօր։ Բայց ներկա հոդվածի թեման ստիպում է առնվազն մի դիտողություն անել՝ կապված Խորենացու խոսքի առանձնահատկությունների հետ։
Այն պատմաբաններն ու բանասերները, որոնք տարված են Խորենացու դրքի
սխալներն ու «կեղծիքը» մերկացնելով, միշտ աչքաթող են անում կամ, ավելի
լավ է ասել, չեն տեսնում այս դրքի ամբողջությունը, ոճական միասնությունը,
ինչի մասին ես խոսեցի։ Եվ ահա այն առանձնահատկությունները, որոնք, հուսով եմ, միայն ես չեմ նկատել, մի բան են վկայում. այս դրքի հեղինակը մեկն է,
որն անկեղծ է իր մտքերով ու մոտեցումներով։ Այսինքն, նա չէր կարող ամբողջ
մեծ դրքի էջերում, ամեն քայլափոխի, մտածել V դարի մարդ ներկայանալու
մասին։ Նա միայն կարող էր լինել։ Փաստարկ, որ կարող է շատ թույլ թվալ
բանասիրական և պատմական քննությունների արդյունքների կողքին. բայց,
ըստ էության, դա ամենադիսավոր փաստարկներից մեկն է, երբ խոսում ենք

Խորենացու նորօրյա քննադատների մեջ վերջին տասնամյակներում առանձնանում է պրոֆեսոր Ռոբերտ Թոմսոնը, մի մարդ, որն իսկապես մեծ ծառայություններ ունի հայ միջնադարյան գրականության երկերը անգլերեն *թարդմանելու գործում։ Բալգ Թոմսոնը այն հայագետների թվում է, որոնք Խո*րենացու գիրքը համարում են IX դարի գործ, հետևաբար` կեղծիք։ Հայ և այլազգի պատմաբաններից ու բանասերներից շատերն են գրել այս խնդրի մասին. հիշեմ հայագիտության դասականներից Մանուկ Աբեղյանի և Ստեփանոս Մալիսասլանցի, նրանց հետևորդների` Գագիկ Սարգսլանի, Բաբկեն Հարությունյանի, Ալբերտ Մուշեղյանի աշխատությունները, որոնցում նրանք բանասիրական և պատմագիտական ըննությամբ հաստատում են Խորենացու` V դարի հեղինակ լինելը։ Թոմսոնի ներածական հոդվածը Խորենացու գրջի իր իսկ Սարգմանությանը ինձ հետաքրքրական է իմ թեմայի տեսակետից՝ ինչպե՞ս է պրոֆ. Թոմսոնը ընկալում Խորենացու խոսքի առանձնահատկությունները։ Պա-պես անուշադիր է դրանց։ Առհասարակ նրա հոդվածը ավելի քրեական մեդադրանքի փաստաթուղթ է հիշեցնում, քան գիտական անաչառ վերլուծություն։ Նա իրապես ոչ թե գիտական Հշմարտությունն է փնտրում, այլ Խորենացու «մեղավորության» ապացույցներ, և այդ ճանապարհին բոլորովին մոռանում

<sup>&</sup>lt;sup>6</sup> **Մ. Աբեղյան**, *Հայոց հին գրականության պատմություն*, Անթ., Լիբանան, էջ 269:

է, որ Խորենացին գրող է, իսկ գրողի կեղծ ու անկեղծ լինելը նաև (և գուցե առաջին Դերթին) նրա խոսջի բնույթի մեջ է երևում։

Վերևում ես խոսեցի Խորենացու հայրենասիրության մասին, իր ազգի ներկալացուցչի նրա արժանապատվության և նույն պահին իր ժողովրդի հանդեպ նրա ամենախիստ քննադատության մասին։ Պրոֆ. Թոմսոնը Խորենացու այս վերաբերմունքը «մաքրում» է հակասություններից, Խորենացուն ներկայացնելով իբրև մեկին, որն ամեն գնով ուզում է փառաբանել իր ժողովրդին ու նրա ներկալացուցիչներին։ Բերեմ երկու օրինակ նրա ներածական հոդվածի 27 էջից։ Առաջինը. «Այս միստիֆիկացիաների լույսի ներքո դարմանայի չէ, որ Մովսեսը Դաճախակի օգտագործում է Հովսեպոսին առանց դա գիտակցելու։ Առաջին Դեր伊ին մենը պետը է նկատենը ադապտազիաների մի թանի օրինակներ, որոնք արված են գրական էֆեկտի համար, և ապա ավելի հետաքրքրական օրինակներ, որոնց նպատակն է Հայաստանը կեղծիքով մտցնել համաչ**խարհային Թատերաբեմ**»՛։ Երկրորդը. «Այստեղ Մովսեսը երկու գլխավոր նպատակ ունի` բարձրացնել Հայաստանի Թագավորներ Տիգրանի և Արտավազդի միջազգային նշանակությունը Հռոմի և Պարթեւների պատերազմներում և ներկայացնել հրեական համայնքները Հայաստանում և Բագրատունիների րնտանիքի հրեական ծագումը...»<sup>8</sup>։ Ուշագրություն դարձրեք իմ կողմից րնդգծված բառերին։ Պրոֆ. Թոմսոնը ալնպես է ներկալագնում իր հերթական մեղադրանքը, որ Խորենացու հայրենասիրությունը վերածվում է մանր խորամանկության։ Մյուս կողմից, իր հոդվածում նա ոչ մի անգամ, գոնե հարևանցի չի հիշատակում Խորենացու ասածները «փոթը ածու» լինելու մասին, նրա Ողբը գրթի վերջում և գալրուլթը իր հալրենակիցների հասցեին, որոնք ես արդեն հիշատակել եմ։ Այսինըն, եթե Մովսես Խորենացին պատրաստ էր անդամ կեղծիջների գնալ Հայաստանը և նրա Թագավորներին բարձրացնելու համար, էլ ինչու՞ նա պետը է այդջան խիստ խոսեր իր հայրենակիցների ԹերուԹյունների մասին, գրեր այդքան ազդեցիկ իր ողբը։ Զարմանալի է, որ խոսքի հետ գործ ունեցող փորձված մասնագետը այդքան անուշադիր է գրողի խոսքի կարևորագույն առանձնահատկությունների հանդեպ։ Այս ձևով պրոֆ. Թոմսոնը Խորենացու միանգամայն սթափ և անկեղծ հայրենասիրությունը վերածում է մակերեսային պարդ խորամանկության (երևի պատահական չէ, որ նա բոլորովին չի անդրադարձել Մ. Աբեղյանի և Ստ. Մալխասյանցի դիտողություններին):

<sup>&</sup>lt;sup>7</sup> Moses Khorenats I, *History of the Armenians*, Translation and Cpmmentary on Literary Sources by Robert W. Thomson, Ann Arbor: Caravan Books, 2006, p. 26.
<sup>8</sup> ປະຕິກ:

\*\*\*

Մովսես Խորենացու «Պատմության» գրական առանձնահատկությունները պահանջում են խոր և համակողմանի քննություն։ Դա անհրաժեշտ է ոչ միայն հայոց գրականության և խոսքի, այլև հայկական մտավոր մշակույթի ամբողջական պատմության ստեղծման համար։

## Azat Eghiazaryan Literary Peculiarities of "History of the Armenians" by Movses Khorenatsi

The "History of the Armenians" by Movses Khorenatsi is one of the most important monuments of Armenian historiography. Yet its literary peculiarities are not studied sufficiently. I am based on the conviction that it is not a fiction, but not a scientific work either. It has its specific features, which I try to find out in my paper. The most essential characteristic is the style of his narrative, which I have focused on.